





PRINCETON UNIVERSITY LIBRARY PAIR



32101 014924102

PRINCETON UNIVERSITY LIBRARY

*This book is due on the latest date stamped below. Please return or renew by this date.*

--	--





# النصاريات

أحوالهم

## الكبرى

في رثاء الامام الشهيد الحسين عليه السلام وآله وصحبه الكرام  
وهي اعظم ملحمة تاريخية في فاجعة الطف الدامية  
للشاعر الحسيني الخالد المرحوم الشيخ محمد نصار « رحمه الله »

### بالاشتراك مع :

- ١ - السيد عبد المنعم
- ٢ - السيد الميرزا
- ٣ - السيد خضر القزويني
- ٤ - السيد علي الهاشمي
- ٥ - الحاج زاير
- ٦ - الشيخ مهدي الظالمي
- ٧ - الشيخ عبد الأمير القتلاوي



*[The page contains extremely faint, illegible text, likely bleed-through from the reverse side of the document. The text is arranged in several paragraphs and is difficult to decipher.]*



# النصاريات

أحمد الشيب

## الكبرى

في رثاء الامام الشهيد الحسين عليه السلام وآله وصحبه الكرام  
وهي اعظم ملحمة تاريخية في فاجعة الطف الدامية  
للشاعر الحسيني الخالد المرحوم الشيخ محمد نصار « رحمه الله »

### بالاشتراك مع :

- ١ - السيد عبد المنعم
- ٢ - السيد الميرزا
- ٣ - السيد خضر القزويني
- ٤ - السيد علي الهاشمي
- ٥ - الحاج زاير
- ٦ - الشيخ مهدي الظالمي
- ٧ - الشيخ عبد الأمير القتلاوي

---

منشورات المكتبة الحيدرية ومطبتها في النجف ت (٣٦٨)

١٣٨٥ هـ - ١٩٦٥ م



702334

N18

366

1987

(RECAP)

بِسْمِ اللَّهِ الرَّحْمَنِ الرَّحِيمِ

( هذا ما قاله العالم الفاضل الشيخ محمد بن علي نصار )

( يرثي سيد الكونين أبا عبد الله الحسين « ع » )

سار احسين وأمسي الحرم مغبر

اوبلي والمدينه صفت تصفر

طلعوا آل هاشم عن وطنهم  
ساروا بليهم او بعد ظعنهم  
دريضوا هنا يهلنا للعليه  
يهلنا بعدكم ما نام ليله  
يهلنا خلوا اخويه الطفل بالله  
يهلنا امن المرض كابي تكله  
بچن وبلي وناذنها دخليه  
طفل او فراگك امه يصعب عليه  
صاح احسين يا فاطم دردي  
اودي لچ على ابني او چبدي  
ردت للمدينه او سار ابوها  
ظنت فاطمه لنهم يجوها  
بگت تبچي يوبلي اولاً انگوها  
أو ظل خالي حرم جدهم بعدهم  
اولن صوت العليه ابگلب محتر  
يهلنا افراگكم ما ليش حيله  
او عيني من بعدكم دوم تسهر  
يفضل عندي اوروحوا وداعة الله  
يهلنا خلوا خويه الطفل وسدر  
اهلها او بچضن امه درديه  
ولا امه على فرگاه تصبر  
دردي للمدينه وطن جدي  
اولابد ما تبجي يمچ امخبر  
او ظلت ترچب عمها واخوها  
اخوها والبطل عمها المشكر  
اوهم امسوا يوبلي ابر الأقفر



جد السير احسين الغضنفر  
يريد اوصال بيت الله الأكبر

نزلوا بأرض مكة مستجبرين اويها خايفين او مستحبرين  
اجت الكتب ترادف على احسين امن الكوفه إلك لكن عسكر  
بعث ليهم يواجهم بمسلم كتب له بايعوني الكوم اقدم  
طلع خايف والحجاج تحرم او ما يدري ابن عمه تگنظر  
ابدربه درى بمسلم چاتلينه او من گصر الأماره ذابينه  
او من رجلاه يوبلي ساحيينه لمن سمع بمصابه تجير  
وحين ما گارب الكوفه الكشره تلگاه التميمي ابگاع گفره  
او من التلاقي وگف مهره عرفها كربلا ابنشدت العسكر  
نزلها اونزلت العدوان آلاف يحسبونه يطاوع أمر الجلاف  
وخوته وصحبه الطيبين الأسلاف اسباع او بالحرب بكره تبختر

## في شجاعة الانصار

السكون اظلم ابعج الخيل واغبر اوشع ابلمعة الانصار وازهر  
احتوف وهايجه ما تعرف الذل اشلون الي بعريته ارهاج مشبل  
تلوي دون عزها لوية الصل انزاغورة انقج علموت الأحمر  
كل لماع مدرع يشع للناس وجهه الدرع والسيف والطاس



متبسم امشرب ناشر الراس  
اشچم حران من ربحه ايتاير  
ما والله كرب ليه او تجاسر  
احلوك من لفت ذبح المشاهير  
مظلم الكون بس لمع الغدادير  
لو صاح الحريب اورجوا الزان  
تفدي اگرومها شي شفت غزلان  
كضوا حق عليهم دون الخيام  
لما طاحوا تفايض منهم الهام  
كفوا بالموت دون احسين مستر  
نگول الموت من سيفه ايتكاير  
عگبوسها او ظل با لكون يذکر  
حلول الموت وحلول المغاير  
تشع وجوهها با لكون تزهر  
ما والله يظل با لكون حران  
امرتعها اسباع الزور تفر  
اولا خلوا اخوات احسين تنضام  
تھاووا مثل مهوى النجم من خر

على الأنصار يا گلبي تفر

تھاوو مثل مهوى النجم من خر

هذا الرمح بفاده تشنه  
او هذا الخيل صدره ررضنه  
هووا ما بين من كطعوا وريده  
او بين امشبح ابرميه شديده  
اويلي الروس شالوها على الزان  
نجوم اتموج من دمها ابغدران  
ركب غوجه او تعن احسين ليها  
او هذا بيه للنشاب رنه  
او هذا او ذاك بالهندي اموذر  
وقع راسه او ما بين طارت ايده  
او بين الصار للنشاب مكور  
او لعبت خيلهم على جث ميدان  
نوب تطفح او نوب تغور  
لگاها بس جث ومسلبيها

صب الدمع وتلهف عليها او كمال احتساب عند الله وصبر  
وي احسين ماضل بالمخيم غير اولاد اخوه وولاد مسلم  
وولاده وخوته اولاد العم وغير اولاد عبد الله بن جعفر

اوبلي من الانصار الخيم تصفر

يس اولاد هاشم نجم ترهر

المكل شبان ما منها لبعده اختط الشعر لا والله اوجده  
او بين ادراك ابلوغ او بين بعده او بين البلمهد يلوع ويفغر  
يوبلي من تلاكوا عند الوداع دروا ما بعد ملكه غير هساع  
غدا ماي الدمع ينحال بالصال او تنكلي اكلوبها من العطش والحر  
هذا يشبك ابهذا او يحبه او هذا بگلب هذا يحيط كلبه  
او هذا دمعه الهذا يسبله او هذا يشم خد هذا او يصفر  
اوبلي غدت للشبان حنه غده هذا الهذا يجرونه  
او كل واحد الموته تمنه ولا ييگه الهذا اليوم الاكشر  
سبگك للحرب عبد الله بن مسلم امنگب من ابوه النفل والام  
شاب ابن اهدعش مزراك من سم تلوه او تفج يگطر موت أحمر

## في شهادة عبد الله بن مسلم (ع)

ابن مسلم لعند الحرب شمر

شباب اولاد يخاف الموت مسهر



اسم الله عليه فرع بالذوايب  
حاط الخيل ودعاها جنائب  
يشع بسام الميدان مسود  
تنخه او كمال ولكم حي الها الحد  
ابن هاشم او شبل الليث معلوم  
طفحها اوزبها على الصمصوم  
حر يتخطف الزانات وتذبه  
يجر سيفه والمكدر يشع بيه  
اجاه السهم بس تسمع رعيده  
شكف عن الوجه ويلاه بيده

يا كلابي لبن مسلم تنمطر

شباب او مثل روح الطير من خر

عجز ويلاه عن تحريك جفنه  
نفض وبلي عدوه عليه شلفه  
عزيز الروح بالتربان ممدود  
گمر لاچن ابدم اشرق او يچبود  
شايح تحت عج الخيل عينه  
يريد أحد يغمضه اعينونه  
آيس من حياته وركب حتفه  
تكور مثل خر الطير من خر  
اودم السهم يچري فوق الحدود  
يوسفه عليه بالرملة امعفر  
ما ينشاف بس تسمع ونينه  
ايس واغرقت روحه امن الحر

اشيب والهنادي وزعنه وابدن الشهاده غسلنه  
 ابعج الخيل ويلى جفنته أو دفتنه بشعاع الشمس والحر  
 نزلوا بعد ابن مسلم الشبان تنخوا واسفروا لمطالق الزان  
 حسوا خيلها وشلوا الميدان لما خروا تقول انجوم وتخر

على الشبان يا كلبى تفطر

تهاوو مثل مهوى النجم من خر

بعدهم طلع طفل امن الصواوين امطوگك والتراچي على الخدين  
 يدبر العين يسره او نوب ايمن طفل مدهوش يتلفت امذر  
 جبده من هيب العطش بورح تراچيه على خدوده تطوطح  
 عليه السهم يا ويلى تلولح ابوريده وگك لا جدم او وخر  
 ظلت شهربانه بس تولول على التبران يا ويلى المدلل  
 طوگه يفيض او بدمه امبلل فوق الرمل تحت الشمس والحر  
 غدوا وسفه بني هاشم مطاعين جميع اموحشه منها الصواوين  
 ولا ناصر بگه منهم وي احسين بس عباس والجاسم والاكبر

## في شجاعة العباس «ع»

ابو فاضل تلولح فوك الاشكر

ليث وهاج من شيبه امعفر

نزله عباس يتمرضع بلحسين يجب ايده او جدم رجليه والعين



تسايل بالمدامع على الخدين  
صاح احسين يا خويه يعباس  
ينور العين يا تاجي على الراس  
اشلون تروح وآنه ابگه امير  
يخويه نخلت سكنه اعظامي  
اريد الثار گلبي دوم اينفور  
نيتكم اوحيدي تخلوني  
ظليعة حيدر الليث المشكر  
سم ابصاجعه اوطاحت من ارعيد  
تقاوع او عج الخيل عنبر  
ايتبختر بين زفاة ملايس  
اوظفحها كفو نعمين واكثر  
ما تعرف رسنها امن المصاريع  
تخف ارواحها من الموت الاحمر  
اويسره الحرب ذبها فوگك يمناه  
عليهن والعزير الروح من فر  
بيده السيف والبيرغ ابجفه  
مترهي تلوح على العسكر  
كل للناس تغدي فدوة احسين  
تسايل بالمدامع على الخدين  
صاح احسين يا خويه يعباس  
ينور العين يا تاجي على الراس  
اشلون تروح وآنه ابگه امير  
يخويه نخلت سكنه اعظامي  
اريد الثار گلبي دوم اينفور  
نيتكم اوحيدي تخلوني  
ظليعة حيدر الليث المشكر  
سم ابصاجعه اوطاحت من ارعيد  
تقاوع او عج الخيل عنبر  
ايتبختر بين زفاة ملايس  
اوظفحها كفو نعمين واكثر  
ما تعرف رسنها امن المصاريع  
تخف ارواحها من الموت الاحمر  
اويسره الحرب ذبها فوگك يمناه  
عليهن والعزير الروح من فر  
بيده السيف والبيرغ ابجفه  
مترهي تلوح على العسكر  
كل للناس تغدي فدوة احسين

الف وسنمه ينخويه مالك امعين تظل بعدي يبو سكينه امير  
 ابو فاضل ولي الشاطي او حدر  
 او چيده من لبيب العطش فطر

خاض الماي بس هيس ابرده ترس چفه وپروي عطش چيده  
 تذكر لن اخوه احسين بعده ذب الماي من چفه او تحسر  
 هذا الماي يچري بيطنون حيات وضوگه گبل اخويه احسين هيات  
 اظن طفله يويلي من العطش مات وظن موتي گرب والعمر گصر  
 شلون اشرب وخنويه حسين عطشان وسكينه والحرم واطفال رضعان  
 وظن گلب العليل التهاب نيران يريت الماي بعده لاحله اوامر  
 همته بس يوصل الماي لحسين لا گامن او گعدن الجفنين  
 همته اطفال موته بالصواوين عطاشه اگلوبهم تلهب من الحر

طاح ايمين ابو فاضل والایسر

خطف جوده ابجاگه اوللخيم فر

اجاه السهم للکربه او فراها وگف بيچي وسکنه مانساها  
 مواعدها على اميه لحشاها او منها يستحي للخيم يسدر  
 سمع حسه الحسين اوركب وارزم غار على العده من باب الخيم  
 رد يمه او شافه سابح ابدم تخوصر فوق راسه والدمع خر  
 حط راسه بحضنه اوراد الوداع شاله او تر به عباس بالگاع



رد احسين راسه بگلب مرتاع  
 يخويه العلم گلي وين اوديه  
 حنا فوگه يشمه واشبيج ايلديه  
 يخويه انكسر ظهري اولا گدر اگوم  
 يخويه استوحدوني عگبک الگوم  
 يخويه امنين اجنتي هالرميه  
 يخويه اسا عدوي شمت بيه  
 راد احسين شيله للصواوين  
 يگله اشرا دتک ياخوي يحسين  
 يگله ليش يازهره زماني  
 يگله واعدت سکنه تراني  
 يخويه اشلون اشوفنها ايبا عين  
 دخليني اموت اهنا يحسين  
 گام احسين بيچي للصواوين  
 خاف انهن يفرگدن على احسين  
 اويلي تلگته تبچي اسکينه  
 شرب ماي او نسانه ما نسينه  
 خرت دمه احسين او تنحب  
 ابشاطي العلگمي عمچ امرب  
 شاله اردود للتربان والحر  
 ينور العين دربي بيش اجديه  
 عليه او صاح نخويه الله واكبر  
 صرت مركز يخويه الكل المهموم  
 اولا واحد عليه بعد بنغر  
 يخوبه اسا وگع بيتي عليه  
 وشوفنک يبو فاضل امطبر  
 انتبه عباس لحسين اوزرگک عين  
 يگله اورد شيلنک و اسدر  
 يخويه حسين خليني ايمچاني  
 ايماي واستحني منها من اسدر  
 لو اجنتي او گالتلي الوعد وين  
 يخويه المستحه من شيمه الحر  
 ينشف دمعه عن النساءين  
 ايگله عليمن هالدمع خر  
 نگله عمي العباس وينه  
 العطش واگلوبنه تلهب امن الحر  
 او گالها او نار القاب يلهب  
 گضه فرت تصيح الله واكبر

## في محاربة علي الاكبر «ع» وشهادته

شل اطرادها ابن احسين الاكبر

او خلى الخيل بالهامات تعثر

امصيت هللت له الخيل لولاح عليها اوصفكت له اطراف الارماح

لورگصت له السيوف ابراس الافراح او فوق الطوس كله ضرب الاكبر

من هاشم امنيب موش ملفوف ابوه احسين بالميدان موصوف

اوجده حيدر الكرار معروف او عمه الحسن والعباس الازهر

اهتز ابغيرة الله وافرع الراس تهارق بالدرع والسيف والطاس

ابسيفه الشعشعاني المرهب الناس او بالخيل الطلائع ضيق البر

اشچم حران من غدارته نس مهو ابن حسين ضرب له وبس

ابرمه اشچم عجيد اصباح لبس او خله ابجاعمها تعثر

تموج الخيل من يجبل عليها جن الخيل ابو الحسنين بيها

ذب هذا ورا او هذا لديها مساميها اورمحه يلحق الفر

شباب ولا يهاب الموت طفاح يسرج عالي طويل الظهر نفاح

ارضه السيف واطا شرط الارماح اورد يلوج بلسانه او يفغر

مض العطش بان احسين الاكبر

اورد يلوج بلسانه او يفغر

يصبح اصوات فت گلي اوشعيني بيوي گوم ليه العطش ضرني



يبوي درعي او طاسي بهضني      يبوي اونشفت ارياجي من الحر  
 يبويه شربة اميه الجبدي      انكوي ورد للميدان وحدي  
 يبوي انفطر گلي وحق جدي      العطش والشمس والميدان والحر  
 يگله امين اجيب الماي يا ابني      مهو حچيك بهض حيلي اوشعيني  
 اوقت روحي او حمس چبدي اوسلبي      يبوي استخلف الله العمر واصبر  
 يگله والدمع يجرى امن العين      يبعدي او بعد كل الناس يحسين  
 تگلي اصبر او گلي صار نصفين      اشلون اصبر يبوي والصبير مر  
 حن حسين ويلى اوسال دمعه      حنا ظهره يبوي او كسر ضاعه  
 دار اريده على اطراگه بودعه      يشمه والعيون تسيل محمر

تسايل بالدمع لوداع الاكبر

يگلي ذوب لوداعه او تفطر

يويلي من تلاگوا عند الوداع      امشاج طول لمن هوو للکاع  
 لاع الابن لابنه والابو لاع      عل ابنه يويلي اوداع الاكشر  
 يشم احسين خد ابنه او يحبه      او دمعته مثل دمع ابنه يصبه  
 الذار البگلب ابنه ابگلبه      يخفيها على ابنه او نوب تظهر  
 يكلمه والدمع با لعين دفاق      ابعبره امكسره وبقلب خفاق  
 يبويه اوداعة الله هذا للفراق      يبويه اشبديه هذا المکدر  
 يبويه للسيف اسدر والزان      او لوح ابغاره وشاش الميدان

يبويه اليوم مرواحك للجنان او بالكوثر يبويه اليوم تعطر  
 تحسر ويل كلابي او جذب ونه او من الماي آه انطكع ظنه  
 عرف لن المنيه دنت منه خر دمه او للميدان سدر

شبل احسين للميدان سدر

او خلي الخيل بالهامات تعثر

سدر والكون شايح زان واسيوف نشاب اونبل وارماج واحتوف  
 ما والله رجف قلبه من الخوف ولا وجه من اشراكه تغير  
 رد اسيوفها والنبل والزان حطيه والكروم او جوه نسوان  
 شبل طاوي اونفج من شيب غيلان اوشاف الغنم بالمران تشتت  
 هن غدارته اوذب العمامه نشر راسه اسم الله اعلى الشامه  
 خر اكلوبها او شرك الهامه اولف راياتها والسرب نشر  
 روط زانته والموت بيها اوصاح ارگابها او حوم عليها  
 يا مبعد اهاليها عليها وين اتفر او طير الموت يفتر  
 عكب ما شرك الهامات والطاس اجته ضربة العبيدي على الراس  
 ضعف وتواردوا بسيوفها الناس شبك علمهر ويلي والمهر فر

علي ابن حسين يا كلابي تفطر

شبك علمهر ويلي والمهر فر

شبك علمهر لباله يوديه لبوا احسين عن القوم يحميه



اويلي المهر للعدوان فر بيه ووجب آه بموسط العسكر  
 داروا بالسيوف عليه والزان مثل جتال سبع المات فرحان  
 عسى ابعيد البله وليته العدوان ارذال او بالمعايب دوم تفخر  
 هذا يقطع ابيسه وريده او هذا باختاجر فصل ايده  
 وهذا يخط رحمه الحديده البخاصرته وهو بمالج او يفخر  
 شكل بيه الطبر وتلوج روحه او محد عرف غير الله اجروجه  
 دماياته على احصانه سفوحه لما خر ابهناديهها اموذر  
 نده يا حسين هذا الساع جدي سگاني الماي واروه عطش چبدي  
 يگول اسرع تراك اليوم عندي اجاه ايصيح يبني الله واكبر

اويلي احسين صاح الله واكبر

بوي ليش ها لنومه ابها الحر

كعد عنده اوشافه مغمض العين ابدمه ساج امرب الخدين  
 متواصل طبر وللراس نصفين حنا ظهره على ابنه او تحسر  
 يبويه كول منهو الشرك راسك ينور العين من خد انفاسك  
 يعگلي من نهب درعك وطاسك يروحي اشلون اشوفنك مطبر  
 يبويه من عدل راسك ورجليك او من غمض عيونك وسبل ايديك  
 ينور العين كل سيف الوصل ليك كقطع كلبي او لعند إحشاي سدر  
 يبويه من سمع يمك ونينك او من شبحت لعند الموت عينك

للعشرين ما وصلن اسنينك او حاواني عليك الدهر الاكشر  
 اريد امسح اجر وحك وشم خدك وحط صدري على صدرك واشمك  
 يويه شرف لا جن حرم جدك وحت زينب تصيح الله واكبر  
 اجت زينب تصيح الله واكبر

يعمه ليش ها لنومه ابها الحر

هوت فوگه تشم خده او تحبه او تطبگك طبرة الراس او تعصبه  
 او تسفر زيچ ثوبه او تجس گلبه لگت دمه من افواده يفور  
 يويي ولولت واحنت ظهرها تخمش اخدودها او تلجج شعرها  
 او تدگك ابراسها وتلطم صدرها او تنعي ابصوت طر گلب الصخر طر  
 يشمس الكيفض بيلهب وجهها بيدر التم يلمظني سرجها  
 يسم الخيل يلمجثر مرجها اشلون امن السرج تنشاع ونخر  
 يتجم اسهيل يلحامي الشرايع يا جرناس يعذب الراجع  
 يشيل الموت يمكدر الكلايع اشلون امسيت للنشاب مكور  
 ردها احسين للصيوان بالهم وشاف الخيل دارت على المخيم  
 ولن ابن الحسن جسام مرزم يصيح ابصوت عالي الله واكبر

طلع جاسم يصيح الله واكبر

درخصني بعمي ما اكدر اصبر



## في شجاعة وشهادة القاسم «ع»

بس شافه شبك فوگه او تباچوا      اختنگوا بالبواجي او مانحاجوا  
لمن غابت الروح او تناجوا      على التربان ويلى والوكت حر  
لما بدت الروح ابعمه الأبيه      طلب جسام رخصه او ما يخليه  
وگغ ويلى يحب ايده اورجليه      درخصني يعمي ما اكدر اصبر  
يكله ابكه لبن عمك تباريه      عليل او ما بكه غير النفس بيه  
يعمي اخلافنه بلچن تسليه      وظن هيهات يتسلى ويستمر  
يكله اسدر يعمي للصواوين      منكلك راد ليها جذب يحسين  
ارد عنك دعلمني ايبا عين      اشوفك على الرمضه امطبر  
يكله كمر ييني يشعشاع      يعمي اوداعة الله هذا الوداع  
ركب ورزم وذبها موش مرتاع      شهاب او يخرج الطاغي من انجر

عرض للحرب جسام واشهر

شهاب او يخرج الطاغي من انجر

جر السيف والزانه نكثها      او طمخ على الملزومه اوفرثها  
جثث بالروس والروس ابجثثها      اسم الله عليه خللاها تعثر  
تبردك فوق مهره وكام يوى      او كال الزانته على الخيل حوى  
رفها او كال للرايات كوى      عن دربي او صيري اتياه بالبر  
ينجزم عين الطليع او كال ثجل      ابظلمة المذهب واج مشعل

من يلمح شعاع الصيف يثول حمام او من يشوف الطير يضحرك  
 من يدنه او عزرائيل بيده غيث ابصوا عجمها رعيده  
 كانوص او تلوح على الصيده ابظهره اشكر شمر فرسه امسفر  
 انكص اشراك نعله او كام يلويه والازدي اجاه والسيف مخفيه  
 ضرب راسه او جاسم ما درى بيه خر او صاح يا عمي المشكر

على ابن الحسن يا كلبي تفطر

خر او صاح يا عمي المشكر

بس ما سمع شرعبت بيه چتل چتال جسام او سدر ليه  
 لگاه ابعالج او يبعث ابرجليه يلوج ابروحه اودمه يفور  
 بچه او ناداه يا جاسم اشبيدي يريت السيف كبلك حز وريدي  
 هان الكم تخلوني وحيدي على اخيمي يعمي الخيل تفقر  
 يعمي اشكالت من الطبر روحك يجاسم ما تراوني اجر ورك  
 لون ابكي يعمي چنت انو حك ابكلب مثل الغضه وبدمع محمر  
 حظ احسين صدره ابصدر جسام شبك فوگه او شاله ايم الخيام  
 صدره ابصدر عمه ارخط بالخدم بالتربان واحسين ايتعر  
 جابه او مدده ما بين اخوته بچه عدهم يويلي وهم موته  
 بس ما سمعن النسوان صوته اجت سكنه تصيح الله واكبر

اجت سكنه تصيح الله واكبر



يجاسم ليش ها لنومه ابها الحر

عسى ابعيد البله خدك على الكعاع  
 جاسم بين عمي لون تنباغ  
 عساهي ابركبتك كل اخطيه  
 يا جسام عرس اكشر عليه  
 امبارك بين سبعين الف جابوك  
 عن الحنه ابدم الراس حنوك  
 يجاسم ريت ها لطبرات بيه  
 صدك راج يجاسم هاي هيه  
 اجت زينب اودمع العين غدران  
 گومن جاي نلطم على الشبان  
 على الشبان يا گاي تفتطر

تهاووا مثل مهوه النجم من خر

فرن او وحده تندب ولدها  
 او وحده للولي تهمش انجدها  
 يا شبان ينجوم المخيم  
 بالله يا هوى الغربي تنسم  
 او وحده تندب اخوتها او سعدها  
 او وحده تصيح يا عمي المشكر  
 بيدور اشركت وبلي البحر دم  
 بلجي امنوخ عنهم جمرة الحر  
 ينظر ورسال مده اليه على الشبان  
 بالرسريس لا تنكل الثران

تراهي اثبت من الشباب والزان لا تعصف تهز الزان وتضر  
 غدبتو طبعك يا شبان واحسين ظل اوحيد بس ايدير بالعين  
 لمن شاف روحه ماله امين اوشاف الخيل على الصيوان تفت  
 لكف صلب العرج ملمس الحديد روطها اودعاها اعجود بيده  
 خاض الموت جن الموت عيده عبوس اومن يشوف الحرب يستر

## في مبارزة الحسين «ع»

لنش الموت الأحمر راغ وصفر  
 اثارى احسين بالميدان يفت  
 حليف السيف والبيرغ وليفه  
 اشجم حران مدرع بس رحيفه  
 من يگحم على الليث ابعربنه  
 من يركه على امتونه او يهينه  
 دگك بالكعاع رجلاه اوغدت ظلمه  
 امروج ينضج الكثرين سمه  
 اويلي من وگف دون الخواتين  
 طلع زين العباد من الصواوين  
 يجر يسراه والسيف اييمينه  
 يعيش او بين اذان الموت يصفر  
 توج او يحف بيها فوگك عزمه  
 تجف كملها منه الشر  
 ينادي من يجاهد دون الحسين  
 يگوم ابشيمته او للمرض يعثر

اويلي على العليل الطلع مصفر

عليل او مثل صل الرمل مصفر



یصیح ابصوت تجری بیه کل عین      یعمه اسلاح اجاهد دون الحسین  
 یعمه عکب ابوی او جوهنه وین      وام کلثوم من بعده تعثر  
 اهنایینی تکله دسدر اردود      تری گلای یعمه خزن اجبود  
 اشوفک یابن اخویه اولوعی ازود      او نار حسین بین احشای تسعر  
 صاح احسین یا ام کلثوم و دیه      یخویه ابی شعب گلای در دیه  
 مهو روحی ابهذا السیف لأفدیه      نور العین والفرگاه مگدر  
 یبویه انت الولی للناس بعدی      یبوی انت للیدک حکم جدی  
 یبوی ابشوفتک فتیت چبدی      سدر ودموعه بعینه تغرغر  
 رده احسین للخمیه او عینه      تسح ادموعها او ینده اسکینه  
 یبویه ابن ابوج الطفل وینه      اودعه او عبرته ابصدره تکسر

## فی حمل الحسین الرضیع «ع»

طفل احسین ظامی والوکت حر

اویلی من العطش چبدہ تفطر

تگلہ الطفل راح اللون عنه      یبویه ما بگت بالطفل ونه  
 جف دمه او جف اللبن عنه      او ظل ایلوج بلسانه او ینغر  
 یبویه ما ابعینی دمع واسجیه      یرضی الموت بیه اساع لفدیه  
 یبویه شوف حی ساوی العطش بیه      یبویه من العش چبدہ تفطر  
 گامت شالته او جت الولیها      فک اعوینته او یبحر علیها

تخل جايبه اميه بديها شاله احسين ودموعه تنفر  
گامت تستدير اعين طفله شبح عينه لبوه وعين لاله  
آيس شاف اميه ما حصله رد غمض اعويناته واسكر  
شمه او حبه ابصدره او خده چبد احسين يابس مثل چبده  
يبويه ما بعد للعيش رده اهو ايجاسيه اولن سهم المگدر

طاح الطفل للگاع او تعفر

او دمه مثل ماي العين فجر

تلگه احسين دم الطفل بيده اشحال الينچتل اجضنه وايده  
سال او ترس چفه من وريده اوزبه لاسما للگاع ما خر  
اويلي من لفت سکنه تنادي يبويه العطش ها لفتت افوادي  
صدت لن اخوها الطفل غادي يلوح رگبته اودمه يفور  
يبويه ذاب چبدي او چبده امه دخليبي اودعنه وشمه  
يبويه ليش ما تسجيه دمه بلچن چبده تبرد امن الحر  
يخويه عون من حبك او شمك يخويه عون من راواك ملك  
اغسلنك يخويه ابفيض دمك او گبرك بالگلب ياخويه لجر  
گام احسين يمشي يم الانصار وگف يمهم او چبده من العطش نار  
نده عباس خويه والدمع فار يخويه گوم لينه الساع واحضر

ابو فاضل دگوم اساع وحضر

اوشوف الخيل عا لصيوان تفر

يخويه ليش ها لنومه الطويله يخويه الطفل عگبك طال ليله  
يخويه ما چنت تسمع عويله يلوج امن العطش لمن گضه اوخر



يخويه أبيت سكنه من الماي  
 يخويه من العطش رادت تجي وبياي  
 يخويه ما درت لنك رميه  
 يخويه امنين اجت ليك المنيه  
 يخويه ليش ها لساعه عفتني  
 مهو افراگك شعب گلي اوفتني  
 ردوا اعياله من العطش يومن  
 مثل سرب الكطه گامن بحومن  
 تجي يمي ذليله او توجب احذاي  
 او تگلاک وين وعمدك يا مشكر  
 وهي برجواک تسجيهاميه  
 او تگضي بالعشطن والسيف والحر  
 غبت عني يخويه او ضيعتني  
 او نارك بالگلب ياخوي تسعر  
 او صاح ابصوت للتوديع گومن  
 تطيح اعليه وحدتهن او تعثر

على وداع الحسين الكلب محتر

بگلي ذوب لوداعه او تقطر

اجت زينب او باجي الحرم يمه  
 يشم سكنه وهي گامت تشمه  
 يبويه ايطول من بعدي ونينچ  
 يبويه لا تشوفيني بعينچ  
 صد الباجي اعياله ابعينه  
 عسن للغاضريه لا لفينه  
 اجت زينب يوصيها بالعيال  
 شاف الدمع فوگك اخدودها سال  
 گام يهون افراگه عليها  
 عكب ما جاب كل الصبر ليها  
 او صارن للوداع عليه له  
 يحبها والدمع ليلو ايتنثر  
 او مثل النيب چن اسمع حنينچ  
 اخافن ينحطف لونچ او يصفر  
 بچن عنده اونادن يا ولينه  
 اولاً بيته يوالينه تحير  
 يوصيها ابعليله او كل الاطفال  
 تكله على افراگك مكدر اصبر  
 او بين بعدي عين الله وليها  
 ركب غوجه وللميدان صدر

ليش الموت الاحمر راغ وصفر



اثاري احسين للميدان سدر

سدر واعلن اجد السيف ناره  
خله الليث ما يندل فراره  
تفر اگرومها او يحطم عليها  
اشچم حران ذبه عند ادبها  
فل اجموعها اولف الروايه  
شك الزلم والخيل السبايه  
صك الخيل اودعى الخيل طشار  
ردالعود سوى الصار ما صار  
دارالعسكر على احسين يا حيف  
يشبه دورها على الليث المخيف

دارالعسكر اعلى حسين او فتر

او صار اشبيح للشباب مكور

تلكه انبالها احسين ابوريده  
تلايم غيمها واثجل رعيده  
ثكل ما يندره ابنشابها امين  
سهم بيده او سهم بحاجب العين  
صار اشبيح بيه امن المنيه  
وكف تبة نبل با لغاضريه  
اوچب يستريح احسين ساعه  
رن الحجر من وجه بشعاعه  
نوب بالصلوع او نوب بيده  
او بالزانات فوگك احسين يطر  
يجيه اوزانها يخطف على احسين  
يويلي واغرفت روحه امن الحر  
الف نبله يويلي او تسع ميه  
او زور ارماع شابج عيب ينظر  
ضعف حيله او ثكل بالسيف باعه  
اودمه مثل ماي العين فجر



شال احسين ثوبه يمسح الدم اولن سهم المحدث ناجع ايسم  
ايكله وكع لا وخر وجدم هوه واظم هواه والسما احمر  
ليش اظم هواها والسما احمر

اثاري احسين من فوك المهر خر

يا ارضنا اليوم ميدي اوياسما مور او بعد احسين يا ماي البحر غور  
يا كلبي دذوب او يادمع فور او جبدي على افراكه تفطر  
هو والمهر كام ايجوم دونه يحامي عن وليه من يجونه  
خاف الكوم اظم ياخذونه ايركبه غير خياله المشكز  
عكب ما آيس الطراح منه رد روعه اوراح الخوف عنه  
سهل واعول اوحن او جذب ونه سحب صرعه اولعند احسين سدو  
اجنح فوك راعيه او شمه او صار اظلال دون الشمس يمه  
مرغ وجهه او ناصيته ابدمه او ناده يا لظليمه اوللخيم فر  
بچت سكه او نادت بالمذله يعمه المهر حط بالكلب حله  
طلعت صارخه زينب تكله يمهر احسين وين احسينه خر

يمهر احسين وين احسينه خر

مالك روعت كلبي يمكدر

يمهر احسين وين احسين كلبي اشوفك جيتني تصهل ابذلي  
اخلاف احسين كلي وين اولي او مالك روعت كلبي يمكدر  
يمهر احسين كلبي عن وليي بعد فيه يخايب ن افي  
اشجم اصواب كلي ابكلب اخيي او من يا جرح دمه ايفور اكثر  
اهنا كلي يصير اعلاج احسين فت كلبي وذر جرح الكلب زين

ونكط فوك جرحه ابدمة العين  
 كام ايهمش اصفاحه ابعاذه  
 وباب الخيم رجليه ثنه  
 فرن يه ايجلين اجروجه  
 لمكنه ايلوج ويعالج ابروجه  
 بلجي اصواب اخويه احسين يخذر  
 يدك لكاع رجليه او يجرونه  
 دك راسه او سالت دمعته او محر  
 ابكالب خافج او عبره سفوحه  
 يون وضواب كلبه دم يفور

اجت زينب تصيح الله وكبر

يخويه ليش ها لنومه ابها الحر

يخت زينب او نادت يا ولي  
 يخويه الصبر من بعدك امعيبي  
 يخويه من ضرب راسك ابسيقه  
 او ماخله ابروحك بس طريقه  
 يخويه من سمعت المهر يصهل  
 اصد لن للمهر محرب او معول  
 على مصابك احرم لذة العيش  
 يخويه اصواب كلمن مات بالريش  
 على امصابك لجمن دوم نوحى  
 امصابك يا عيوني شعب روحى  
 تصيح ابصوتها يحسين وينك  
 يخويه ذاب كلبي من ونيك  
 فك عينه اوزركها اوشبح ليها  
 لمن صدت لعد دمة وليها  
 ينور العين يا عكلي او اخي  
 علي او نار فكدك دوم تسعر  
 طعن كلبك ابرحه واخذ حيفه  
 خفيه او شافها الموت المكدر  
 تخيلتك ايجود الماي مجبل  
 جالب عدته والسرج يصفر  
 بعد فكدك يخويه احسين ماعيش  
 او جرحك بالكلب يحسين يسعر  
 يعيني بالدموع اليوم طيحي  
 لونه بالصخر ذاب او تفسر  
 يخويه جاوب او صدي ابعينك  
 يخويه موش كلبي صخر مرم  
 او حن او خرت ادموعه عليها  
 ليلو فوكك جرحه يجلب احمر



فك احسين عينه والدمع خر  
لياو فوكك جرحه يجلب احمر

ناداها ابضعيف الصوت يختي  
ينور العين خليني امهجتي  
يحت عنده اوصاحت ليه يعكلي  
يخويه احسين شتهيس دكلي  
يكلها اصواب البوجهي زههني  
ولبضلعي بهض حيلي وضهني  
يخويه يابس امن العطش جبدي  
يخويه والشمس احركت خدي  
يخويه ما احب سكتنه تجيني  
مالي كلب اشوفها ابعيني  
يخويه لا تلوعي الكلب بالله  
يخويه من بعد عيني الكم الله  
يخاچيها او تصب عينه ادموعه  
غمض عينه اوصارت بيه موعه  
تشم احسين وتجلب ابجرحه  
كومي يو اذبحج فوكك ذبحه  
بالله يا شمر عنه دوخر

اذبحني اوخل اخويه احسين وسدر

تكلاه يا شمر بالله دخليه او ما شافه او من الطبرات يبريه



تشوفه ايلوج ما غير النفس بيه  
دكلي يا كتر خالي امن الجروح  
طبره فوك طبره تشعب الروح  
يخايب خلي اخويه احسين ساعه  
مهو شمامة الحلوه اطباعه  
يخويه بيش اضمك وين اوديك  
تراني اتخبرت يا مهجتي بيك  
هوت يمه تشم كسر البضاعه  
غايب روحه او فزت تودعه  
او عينه نوب يشبحها او تغمر  
تخط سيفك يخايب والدمه ايفوح  
يشوغ الكلب من عدها او يفغر  
اغمضله ومد للموت باعه  
دخلي ابراح روح احسين تظهر  
يخويه اشلون اصد عنك وخليك  
يخويه بيش اظلللك من الحر  
اخوي الما طبع يشبه الطبعه  
اولن راسه ابراس الرمح مزهر

راس احسين فوگك الرمح يسفر

مثل البدر با لظلمه ينور

لمن شافته صفگت بدبها  
ما تنلام من شافت وليها  
سالت عينها بدموعها اعليه  
خفگك ويلى واومت اعليه  
يسور المرمر الماله مصاعيد  
يطير السعد يا معذب الصيايد  
عس ابعيد البلا راسك امعگك  
او گلب اختك يخويه اساع خفك  
او يلى اتلاگفوا راسك با لرمح  
ومصوت عدونا بالغنى صاح  
او شگت ثوبها ويلى عليها  
فوگك الرمح راسه ايلوح بالبر  
او شالت راسها او تلفتت ليه  
او صاحت باچيه ابصوت امذعر  
يصل الرمل يمنفر العراييد  
حاطت بيه فوگك الرمح وكر  
يخويه او جثتك بكيفوه سملك  
اوطار واحام عد راسك او فرفر  
او شيبك آه تلعب بيه الارياح  
ابدلتنه امكيف او لنصر مستر



يا شيال راس احسين ريض جيم ابراس اخي لا تعرض  
شوف الدمع من عيني يفيض او نار الكلب لفراگه تسعر

يا شيال راس احسين گصر  
تری گلي على افراگه تفطر

يا شيال راس حاميته اولينه ريض خلي اتودعه اسكينه  
ليش احسين ساچت عن وزينه گلي تعب يو جرحه تخدر  
يا شيال راسه لا تلوحه او هبط عن بگايا الروس رحه

اخاف يقوت ربح الهوى اجرحه واصوابه عليه ايگوم يسعر  
يا شيال راس احسين سدره رده الجثته او وسده ابگبره

يخايب شفت هاذي گيل تجره ابگفره جثته اوراسه امسير  
يا شيال نعشه لا توجهه اخافن تلچم جرح البضلعه

دريض لي ارید اسا اودعه او هذا افراگنا ما بعد مسدر  
يا شيال نعش المات مظلوم على الشاطي او عن الماي محروم

تجوم گلوبنه فوگك النعش حوم اخويه الطاح مثل النجم من خر  
يا شيال نعش احسين بهداي او بالله دحط تابوته على الماي

اريد اوگف وغسلنه ايمناي وشوف اصواب گلبه ما تغير  
رفع بعنادها راسه او شاله او خيب زينب او يتم اطفاله

بسا شاله او شافوا اعياله اجت سكنه تصيح الله واكبر  
اجت سكنه تصيح الله واكبر

يبويه ليش هالنومه ابها الحر

تصيح ابصوت يفجع من يسمعه تفت گلبه ويرض صدره او ضلعه

یفیض کل عدو اعلیه دمعه      یبویه لیش ها لنومه ابها لحر  
 یبویه لیش ما تنغر علیه      منی سکنه العزیزه الفاطمیہ  
 یبویه اساعدوی شمت بیه      ذلیله ایشوفنی ما بین عسکر  
 یبویه ازوح کل احنه فدا یاک      اخذنی للکبر یحسین ویاک  
 اهی غیبه واگعد اتناک      وگولن سافر او یومن یسدر  
 یبویه الی وگع من بین ادیه      چتل عطشان ما تشرب میه  
 یبویه ریت ها لنومه هنیه      او من بعد ریت الناس تشهر  
 علی امصابک یبویه لصب دمعی      وخلي اعلیک انوح اللیل طبعی  
 لحر ما یحیس الگاع ضلعی      ولا گلبی بعد فرگاک یستر  
 یبویه گول لا تخنی علیه      هذی روحتک یو بعد جیه  
 یبویه انجان رابح های هیه      اخذنی او یاک عنک مگدر اصبر  
 یبویه من شفت مهرک لگانی      ذاب الگلب وانخطفن الوانی  
 یبویه اعود لی بیکم زمانی      وشوف الدهر بیکم یرد یزهر  
 یبویه باد حیلی وحرگ جدک      عسن للکاع خدی دون خدک  
 یبویه شال راس الدین بعدک      والدنیا اظلمت والکون مغبر  
 یبویه زینب او صدت للمدینه      یهلنا احسینکم گطعو ونینه  
 اشو نومتمک صارت سنینه      دگوموا یال هاشم والهضم مر

دگوموا یال هاشم والهضم مر

شوفوا حسین علی الشاطی امطبر

تنادیهم او حادی الظعن طوح      تگلهم یا هلی والدمع یسفع  
 دخلی خیلکم بالصرع تطفح      او شوفوا احسین عا لشاطی امطبر



يهلنا احسينكم رضوا اضلوعه او شاف الموت روعه بعد روعه  
يصد لعيناه او تسجب ادموعه يخافنها بعد عينه تيسر  
يهلنا احسينكم ذبحوا انصاره ابو فاضل تكور يا المعاره  
وج ابكالب اخوه احسين ناره دمع عينه على خده تحدر  
يهلنا احسينكم نشفت ارباگه اوراح ابنه اوهد حيله افراکه  
او عن ورده امعوج الموت عاکه او عاجلها او دون العالگمي خر  
يجدي کوم هذا احسين مذبوح على الشاطي او على التريان مطروح  
يجدي مابگت له من الطعن روح يجدي کلب اخويه احسين فطر

يجدي کلب اخوي احسين فطر

عاجلها او دون العالگمي خر

يجدي الرمح بفساده تشنه يجدي او بالوجه للسيف رنه  
يجدي او شيبه ابدمه تحنه يجدي او بالرمل خده تعفر  
يجدي مات محم وكف دونه اول نغار غمضله اعيونه  
وحيد ايعالج او منخطف لونه ولا واحد ابجگه ماي كطر  
يجدي مات محم مدد ايديه ولا واحد يجدي عدل رجله  
يعالج بالشمس محم كرب ليه يحطله اظلال يا جدي امن الحر  
تناديهم يهلنا ولا لفوها ولا جدها يجاوبها ولا ابوها  
حنت وانگقطع ظنها من اخوها اوشافت علمخيم صول العسکر

اويلي علمخيم صول العسکر

وجهها ابنار والدخان کبر

صال او نفج النسوان عنه نفر گل طفل مدعور منه

صار اصياحها والنوح فنه ولا واحد يذب عنها او ينغر  
 نهب ما چان با لصيوان موجود او شجل احسين ويبي صار فرهود  
 ولا خله ابخيمتهم ولا عود حر كها او لعند الخيم سدر  
 سلب ما چان على النسوان موجود بگت وحده على اخوها بروحه انجود  
 دحاها بين مطروده او مطرود تفر هذي او هذي ابديچ تعثر  
 ابسوطه يضرب اسكينه او يردها تشگف بيدها يكسر زندها  
 تجي زينب تخلصها او يردها لما سوطه ابعن زينب تكسر  
 چم مخدره ضيع دربها او چم مذهوله روع گلبها  
 او چم مذعوره ابسوطه ضربها او تفجها الكتر الكتر بالبر

يخيدر گوم ليئا اساع واحضر

اوشوف الخيل بين الخيم تفر

لعب المرتضى واچتر اعتابه وهيلن لالتراب على اعتابه  
 اندبه وانتحب واوگف بيابه وگله اليوم يومك يا غضنفر  
 لون الليث ابونه اليوم يدري اخوي احسين راسه اشلون مبري  
 لفاني او دمعتي اعلى الوجه تدري فكنا امن السي اولا تعذر  
 يصنديد الحرب يمخيف الاسباع يشيال الحمل لو طاح بالگاع  
 اخبرك بالحرم هل راحن اضياع سبايا او بالردن ويبي تستر  
 يسلبها العدو او يشتم وليها او جابر بالضرب ويبي عليها  
 تهبط راسها او تكشف بديها بدمها يسيل للوجنات محمر



( للسيد عبد المنعم رحمه الله )

الخيل اجت وتعدت الحد واخيامننا ماहन أحد  
دشد له على حلو المشد او حورب لغاتك يلعبد  
لا بو فاضل هساع بگعد كله الحسين اخوك مفرد  
ايدير عينه او ماله احد بسك على الرضا امدد  
دگعد يبعد الخال والجد

( وله أيضاً في رثاء العباس )

يعين الطليعه يا مجدم يخواض بحر الموت لوزم  
من شاف عج الخيل درعم وبغارب البسارح تلملم  
او على تبة النشاب درعم نص المشرعه والريج هلكم  
ترسها اولاح الغوج وارزم او دارت عليه الله يعلم  
وبغير حفظ الماي ما هم شرها ابيمينه او ما تندم  
واثنى بيساره اولا انهضم فروا كربتته وبلي ابسهم  
وگف وگفة المغبون واظلم سكتنه تربه ابباب الخيم  
متدري ابغمنها سبح با لدم وبلي على ابوفاضل تخدم

( للسيد عبد المنعم في حق العباس )

يحادي الظعن عباس مر بيه مالي گلب امشي وخليه  
اخويه الشفيه واعتب اعليه او گله الظعن منهو البياربه  
بس العليل الكيد ماذبه هذا الخفت منه طحت بيه

( وله أيضاً )

لو هللت ودموعها نار والشمس غابت تحت الغبار  
 ندهوا بني هاشم والانصار او ندهوا علي حيدر الكرار  
 خذونا سبايا اصغار وكبار او من بعدكم ضگنا كل المرار

( للسيد ميرزا رحمه الله )

يا طارشي دوصل ابهمه وخذ معصي وياك زمه  
 توصل لبو جاسم وسلمه اورج الريح وانتحب يمه  
 او گله اعلى اخوك الخيل له او عج الطراد اعليه ظلمه  
 ظامي ايجتل والمائي يمه او حال للطفل عنده تدمه  
 گطع رگبته حرمله ابسهمه او گله ترى زينب تحشمه  
 ظلت ابين الكفر حرمه محمد يخويه هاي هضمه

( للحاج زاير في رثاء العباس )

ردنه حيدر كربلا بيها يشوف اشلون ابو فاضل لگدها اعلى الصفوف  
 من لگدها صار خطاف النفوس ارض ماتنشاف بس منثوره روس  
 صار اهو العريس والكون العروس وهيه تتنه او مبسوله الزلوف  
 اتبسلته ام الحرب لأجله تموج او كربله کلها من ابو فاضل تلوج  
 الشرد منع والمصوب يفوج كثر دمها او جرت وديان للطفوف  
 الطفوف اتسيل من سيفه المخيف غوجه چنه الخوم لچناحه رفيف  
 من ركب وانشاف صار اهم رجيف شبل حيدر با لوجه يوم امعروف  
 کلهم يعرفون البارئ سلطه ويه رمشت عين عنهم ما بظه



حوم وتلوح على سرب الكطه  
 ارفوف صارت هجت من ابن الفحل  
 گام يتهاهل فرح ذاك المحل  
 مطرب اعلى اسيوفها او بيهار عد  
 بيومه عزرائيل ذب كف يدو گعد  
 ارواح يخطف يشبه الداحي الباب  
 من وصلهم هدد اعبر الركاب  
 من يروف الدم وابوفاضل فزع  
 اشحال قلب احسين من حين الوقع  
 اجفوف مقطوعات والراس انفطر  
 صاح يا خويه الظهر مني انكسر  
 غبت عني وانته لي سور حديد  
 اشلون اضل عقبك بيوفاضل وحيد  
 قاله خلني ابعجاني او تنحي  
 او عدت سكنه اجماي او منه استحي

فرت ابجنحها ذبيح الرفوف  
 اوويد صار اللحم مثل دوي النحل  
 مطرب او باسم على لمع السيوف  
 شبه صعصع لم زلازها او صععد  
 اوصل بداله سيف ابوفاضل خطوف  
 او حرب ابوفاضل مثل يوم العذاب  
 اولو اسكندر ما قدر للدم يروف  
 اوسيف اله بالكون لمع لأمر لمع  
 قعد عنده او شاف مكطوع الجفوف  
 سال دمع احسين يشبه للمطر  
 يا بدرنه اشلون غطاك الخسوف  
 يا صواجم من سمه او ذبه الرعيد  
 او جمعت كوفانها او صارت الوف  
 هذا امر الله انكتب ما ينمحي  
 الثالثه بيه نزل وحي الختوف

( وله أيضاً رحمه الله )

ريت حيدر ينتهض بر كوبه  
 اتصبح جدي شوبطه شهو للعدر  
 فوك ما نهبوا احلنه واليزر  
 من الضرب سود المتون او فر كسن

يشوف سكنه اميسره او مسلوبه  
 ما يجي ويشوفنه ابهذا اليسر  
 والبجت بمتونها مضر وبه  
 والدموع اتسيل ما سالت مزن

هاي راد الها يكوم ابن الحسن  
يلكد احصانه ايشور الحرب  
ريت درپ الشام ليمره ركب  
بالدرپ تنوح ما ناح الفصيل  
من يظن بالناس بت حامى اللدخيل  
اتسلبن عكب الخدر و اتلوعن  
روس فوك ارماع تبره للظهن  
تنتصب هالروس والباري شهد  
مورچيچ احسين لا چن بالعهد  
او فده نفسه للذي ذنبه شديد  
ابن ابو الحملات بيهم لو يريد

( و له أيضاً رحمه الله تعالى )

چينه نشد كربلا مضيعينها  
يسروها اولها واحد فزع  
چينه نشد وين ابو فاضل و كع  
بس اشوفه والتعب مني يزود  
عذره حكه ايكول مقطوع الزنود  
چينه نشد كربله اعليها انعتب  
جرمه زينب بيش مطلوبه ابذنب  
ارد انشدج كربله عن النزبل  
بيها زينب كالوا اميسرينها  
شال حادي اضعونها ابساع او كقطع  
ما تدلونه الشريعه وبنها  
وادري ابو فاضل على النخوه يچود  
او حال ملح الموت بينه او بينها  
انكول هاي ارجال و تدور الغلب  
فوك چتل احسين و اميسرينها  
اشلون ضمن الحرم شال ابلا دليل



انچان گتيلي يعاونها العليل بالمرض مشدوه وينه او ينهها  
 ارد انشدج خيمكه عن النزل بالله خبريني او كوالج ما نزل  
 زينب آرجب اليتامه على الهزل يو علي السجاده كام ايعينها  
 ارد انشدج هم صدك بالشام عيد حطوا ابطشت الذهب راس الشهيد  
 من مشت زينب ابديوانه يزيد جاعده يو واجفه امخيلنها

( للسيد علي بن السيد حسين في رثاء الأمير «ع» )

نوح ياناعي اودمعتك سيلها اوصيح طاح الليث حامي ادخيلها  
 طاح والدينه الفكده مظالمه أهل بيته تهل دمعتهم دمه  
 والأملك اتروح لأجله بالسمة اتبدل التهليل منها بالعويل  
 اتبدل التهليل منها بالعويل ويلي كلي من وقع دمه يسيل  
 فيض الخراب دمه او هامة فيض الخراب دمه او هامة  
 وضجت الأملاك كلها الوكعته صح طاح الدين ركنه وانهدم  
 من سمع صوته الحسن دمه انسجم صرخ لاجنه يشب كلبه لبيب  
 او شافن شبيهه بدم راسه خضيب وطلع مدهوش ابجه ونوح اونحيب  
 يون وبونته الرواسي ازيلها

( للشيخ مهدي الظالمي )

درعم العباس واظلم كونها وصاحت الفرسان طب طاعونها  
 وصاحت الفرسان طب ليث الحرب وصل ليها اوضيع اعليها للدرج

كلب جنحين الحرب فوق القلب      وخله ملح الموت بين اعيونها  
 خله ملح الموت ذب كف يد كعد      وخله على البيرغ يرف طير السعد  
 انشا الله او نعمين ابن حيدر لكعد      اشحم وجم لكدات اله اتعرفونها  
 لكد خله اجسوم منها امعفره      اوشي طعين اوشي تون امطبره  
 وكف بيها وكفته اعلى الكنطره      ذيج وكفه اوهاي ما ينسونها  
 ملم الخيل او صرخ بيها ابزعل      وعمل بيهم شبل حيدر ما عمل  
 ذيج وكفه اوهاي بيه اكثر فعل      او تيه الكوفه على اليردونها  
 تاهت ما ظل بعد بيهم رشيد      او ثار بيها اعجاجها او كبر الويد  
 اخلست من وصل بس صفق الحديد      زانته ابسابع سمه ابمعونها  
 اخلس وانكس روايه او قطع روس      طعن طبر كنظر او شلع الشوس  
 صال فل اجموعها او شرك الطوس      او حه الثايه او فن بعد يصلونها  
 حه الثايه او خالص العسكر جتل      ظنوت الكرار بي كول او فعل  
 اتوسط الميدان يتنخذه النفل      اليوم سطوات الوصي اتشوفونها  
 اتوسط الميدان والقوم اعبتت      اورحه يلقي اكرومها وين للفت  
 وين ملفا كم واخوتي الكل كضت      والزم هسا تريد اديونها  
 من عقب ما اخذ ياس او شرب جاس      وذب صناديد الحرب شرك الطاس  
 جفوفه طاحن الف وسقه او على الراس      بالعمود ابضرب نور اعيونها  
 انضرب منهو خلافه شيال العلم      او منهو بيره اضغونها ايباري الحرم  
 او من يرد الخيل لو جت للخيم      رادت اعلى اطفالك اجر كونها



( للسيد علي في رثاء القاسم عن لسان الحسين «ع» )

كومي يزيب عمته	اونادي بني عدنان
ابنفسى اشوفن زفته	ما بين هالشبان
لازم يحضرونه اوليده	يحنونه اوكلهم يزفونه
عريس شهبي نومته	متناسب النومه
كومن نلف علامته	وانلبسه اهدومه
او ننصبه الحوفه وانحنى	اجفوفه والحنه مديوفه
كامن طبك كلهن واجن	والحوفه نصبنها
اورمله اورباب ايهلهلن	واشمعته علكنها
ردن لفن يمه او صارن	عليه لمه لن سابح ابدمه
دارن عليه يتصارخن	كلهن فرد نوحه
واعيونهن يتهاملن	وايغسلن اجروجه
كامن يندبته دگعد	يالحنه ليش ابعدت عنه
نايم يجاسم على الثره	ابعيد البله مطروح
اخدودك ويلي امعقره	اودمك غده مسفوح
محروم يا جاسم زهرة بني هاشم	ابجر الشمس نايم

( وله أيضاً حدي للقاسم )

شهبى يجاسم نومتك	ابنفسى اشوفن زفتك
عمك تولف العرس	وامر او نصبوا حوفتك
حنوا اسكينه بالفرح	او عباس ولف حنتك

اورمله تهلهل بالحيم وطلعت تهلهل عمك  
لاجن اشبيدي على الكندر حنتك من دم هامتك  
واملبسك رمى النبل او شج المواضي حوفتك

( للسيد خضر الفزويني سؤال بنت مسلم لعمها الحسين وجوابه اليها )

يعمي اعلى ابوي ارد انشدك سوانفلي عنه اليوم عندك  
اشوفن خبر منه مضهدك مجتول چنه وحگك جدك  
لمن سمعها جذب ونه او كاللها جاني الخبر عنه  
مجتول با لكوفه المجنه او كطعت الرجحه وآيست منه

( وله أيضاً في رثاء الأنصار )

من صولوا بالطف الانصار غدت ضغبره أوعج الرمك ثار  
او كلبوا اليمنه فوك اليسار يحامون عن مهجة المختار  
او بنات الفحل حيدر الكرار كلهم تفانوا دون الاحرار  
او تم ابو اليمه او حيد مختار عليهم وكف دمعه دم فار  
ناداهم او كلبه للتهب نار يكرام انهضوا كوموا يطهار  
تميت وحدي ابن كفار او ما تم إلي ناصر اونفار

( وله أيضاً للقاسم «ع» )

شبل الحسن جاسم شتمها للخوفه من طبها او ردمها  
شتت رواياها او حزمها الكوفه او جبايلها عدمها  
او جسم مناياها او حتمها عليها او بالمذهب حطمها  
اوروه الارض من فيض دمها او خله الوحش تنهب لحمها



اولوله الكدر خلص زلمها لا چنه خر خرت نجمها

( للسيد علي في رثاء الامير «ع» )

يفخر الهواشم بالمهذب يكرار ياملناك يصعب  
منهو النهض غيرك المرحب جندله او عن سلبه تجنب  
او ياهو للذي ابير العلم طب ما رجف كلبه او لا ترعب  
ابعيد البله قالوا امصوب او شيبك ابدم راسك تخضب

( وله أيضاً في رثاء الزهراء «ع» )

يا فارس بدر وحنين وبيوم الوغه فتاك  
تصبر يا علي جمدوب صبرك عجب الاملاك  
صبرك عجب المخلوك واملاك السمه كلها  
وامصيبتك يا كرار ما من نبي اليجملها  
من جال الرجس للدار ونيته ابنار يشعلها  
ما هابك يبو الحسين وانته المحد اليدناك  
من يدناك يا بو احسين وانته الطيعة الجن  
لا چن العجب تصبر او تسمع بالزجيه اتون  
ابن الباب والحايط عصرها واسكطت محسن  
اورض الصلوعها الطاغي اوروعها ولا راعاك  
روع بضعت الهادي ابصدرها نبت البسمار  
من عكب الفعل هذه تعد او طب لعند الدار

كادك بالحبل يا حيف وانته حيدر الكرار  
تندب حمزه يو جعفر ما منهم لفة يحاك  
ما منهم لفاك امعين بس ام الحسن واحسين  
لا چن طلعت ايبا حال اتنادي او تهل العين  
خلوا عن ابن عمي لفرع واكلب الكونين  
رد العبد يضربها يريت اتشوفها عينك  
ريت اتشوفها عينك او ضلع ام الحسن مكسور  
واجنين السكط بالباب والدم من صدرها ايفور  
او من طلعت وراك اتصبح خلوه والدمع منثور  
ما ردت تحميتها للمسجد لفت وياك  
للمسجد لفت تنحب يويلي والدمع محمر  
ما ردت لعند الدار اله. او ياك يا حيدر  
ظلت من بعد هذه كلبها ابناار يتوجر  
لمن كضت مظلومه من ظلم السده من اعداك  
ظلموا يا علي الزهره لما ماتت ابغصتها  
او حين الى المغسل شفت اصواب جنتها  
كمت تنحب يبو الحسين او عينك تهل دمعتها  
هذا الي جره اعليها عباد الوثن من جاك  
او كل الجره على الزهره بأرض الطف جره واكثر  
هجم على الزهره صارت هجمت العسكر  
ايكسر الضلع صدر احسين تحت اخيولها اتكسر



بسقاط الجنين الطاح طفل احسين ويتاماك

( وله أيضاً في رثاء الحسن «ع» )

بحر الكرم ايست وفده وخابت اظنون إلى تكصده  
اصبح الناعي ينعه فكده من السم يويلى جذف جبده  
والحسن هل دمه على خده ودم تهل اعين التوده  
واعداه فرحانه وامعيده

( وله أيضاً في رثاء علي بن الحسين الاكبر )

شد شبيهه المصطفى اوشب نارها  
لكد على الجيمان شبه الزلزله  
شتت راحت منها متوجها الفله  
صاح بيهم صبحت الليث العرين  
اليوم اراويكم فعل جدي الجنين  
غاص بن ارماحها اوبين السيوف  
من عجاج الخيل ضلت ماتشوف  
فرت او ما تدري لاوين المفر  
وذاك من سيف النفل رامه انظير  
كفوا ونعمين الحرب عنده طرب  
ويل كلي امن العطش كلبه التهب  
رد يصيح ابصوت يندب والده

القوم ظنت هلكد كراها  
لو غدت بالأرض وترجف الله  
ومها كالت جن غضب جبارها  
جدي حيدر والنفل عودي الحسين  
الباجيه اليوم الحشر آثارها  
شتت خلاها غدت ذبح الصفوف  
اظلم شعاع الشمس من اغبارها  
هذا صد مهره اوقع هذا عثر  
اكروم لا چنه يهتف اعمارها  
الروس شرقتها ولا منها ارتهب  
نار ماي ايريد يطفي اشرارها  
احسين يا بويه اورد ليه النده



كلي يا بويه علي اعليك اشسده  
 كاله بويه تره كلي انفطر  
 مئين اجيب الماي كله واعتذر  
 معني ليها وغدت منه تلوج  
 هجوم اكروم العده اوراحت تموج  
 من عكب ماجندل اكروم الكفر  
 انظر بالسيف اوشبك سرج المهر  
 وگع وبلي اوصاح لا جن صيخته  
 من سمع صوته لكاه يم چخته  
 صاح يا بويه علي الدينه العفه  
 استر يويه العدو والشامت غفه  
 صيحتك هاجت ابكلي نارها  
 من العطش والشمس والحروالقهر  
 ايس اورد معني الكفارها  
 صال لا جن غدت مخليه للسروج  
 او كلب يمنه الحرب فوك ايسارها  
 او كسر اسيوف العده اوديج السمر  
 وگع جيدوم الحرب دوارها  
 ذاب گلب احسين منها او چبدته  
 اوشاف جسمه امخدم ابتارها  
 عكب عينك ياشديه المصطفي  
 ابختلك مني استافت نارها

( وله أيضاً في رثاء القاسم )

صال شبه الصاعقه الحين التخر  
 شبل ابن حامي الحمه عنه تفر  
 ضيگك اعليها الزرد من صارمه  
 الروس شرگها او جثتها امخدمه  
 الجثث اسحگها اوروس الهاشرك  
 تظن طير الموت حل بيها او خفك  
 نار المنايه اجد سيفه توج  
 لو تجف دونه اينخي السرج  
 وصاح بيهم بالعهه هذه الضفر  
 والزررد على جاسم ضيگه  
 كفوا او خله الخيل تسبح بالدمه  
 او غدت تحت اخيولها متسحگه  
 او منه راحت تفر ماخذها الرهك  
 والمنيه ابسيف جاسم معلگه  
 والابطال يخوفها منه نهج  
 اكروم ما وگفت السيفه اتعاذگه



ابد ما والله تكف دون الفحل  
 ويل كلبى انقطع اشراك النعل  
 انوه ايشده او يرد الرادته  
 اولن اجت ضربت الازدي الهامته  
 سبج جاسم بالدمه اوناده يعم  
 لقه اوشافه امخدم اورامه انجسم  
 صاح يا جاسم او عد راسه كعد  
 يا بن اخويه العرس جا المن بعد  
 اولعب بيهم ما لعب حين الحمل  
 انوه ايشده او يصول على البگه  
 ايندر اعداه حرب جده او حملته  
 اوسبح جاسم آه من دم مفرگه  
 من سمع صوته النفل دمعه اتسجم  
 صاح لا چن دمعه دم امدفکه  
 ويل كلبى ينحب او كلبه انمرد  
 او هامتک من سيف الازدي امشركه

( وله أيضاً للقاسم «ع» )

شبل الحسن لحسين اعنته  
 كله الحسين وجذب ونه  
 يكله او دمعه مطر چنه  
 ارخصه وسل سيفه المجنه  
 او نخله الكوم اتروط منه  
 اسم الله على اسمه او زغر سنه  
 العمه او يريد الرخصه منه  
 لا وين آروح عنه  
 اريد اطلب اشارات اهله  
 للحرب طب والوت العنه  
 نعمين ضرب السيف فنه  
 غريس او بدمه تحنه

( وله أيضاً في رثاء عبد الله الرضيع )

طفل او رضيع اشيطلبونه  
 لونكم يخوتي تاخذونه  
 او شربة اميه ايشربونه  
 ومن العطش غارن اعيونه  
 للكوم بلچن يرحونه  
 او سالم الامه يردونه

( وله أيضاً في حمل الحسين طفله الى الأعداء )

شاله حسين ابكلب لطفان بديه واتوسط الجيمان  
 ناده يعباداة الاوثان يا ذنب من هذا الطفل بان  
 الجده شفيع الانس والجان على الماي طفله ايموت عطشان

( وله ايضاً في وقوف الحسين بين الصفين وعلى يديه الطفل )

ما بين ما تهمل دمعته او يشوف الطفل ذابت جبدته  
 لن الرجس عين ركبته رماها ابسهم شلت يمتته  
 يا ساعد الله كلب عمته وامه الرباب او بسكينه اخته

( وله ايضاً في مجيء طفلة مسلم الى الحسين «ع» )

من لفت يم عمها حميده اكعدت تون ونه شديده  
 تكله يعمي ابوي اريده اشو طرشته صارت بعيده  
 يكلها او بجه او يصفج ابأيده بالكوفه ابيج بكه او حيده  
 وأهل الغدر كقطعوا وريده

صاحت ونجري الدمع على الخد يتيمه صرت الله ولحد

( وله ايضاً في مجيء الحر الى الحسين )

من لفت رايات المشرجين وتلملمت كلها على احسين  
 الحر عرف كومه اشناوين اجتل الحسين او هله الطيبين  
 لفه او دمعته تجري من العين متوسف او يصفج باليدين  
 ينادي يليث الهاشمين أنه الروعت هذي النساون  
 جيتك يا بن سيد النبيين نادم على امري اوتايب الحين



( وله ايضاً في جواب الحسين للحر )

كله الحسين ابدمع مسجوم وابكائب ذابت منه الهموم  
انجانك تايب يجيدوم يغفرك الواحد القيسوم  
اريدك تجاهد دوني اليوم او تحامي عن زينب او چلثوم

( وله ايضاً في رجوع الحر الى الميدان )

ودع احسين اورجع فرحان لكذ غوجه واتوسط الجيمان  
غده ايجندل ابسيفه الشجيمان اوخله الدمه على الارض وديان  
اوتناخت عليه كل اهل كوفان او دارت عليه بسيوف ووزان  
لمن تگنظر على التريان

( وله ايضاً في وقوف الحسين على مصرع الحر )

من وگع جاه احسين يمه اوشافه خضيب ابفيض دمه  
فرگه انخه ايجبه ويشمه ويگول حر عليه اسمه  
ما خطت بسمه ابد أمه

( وله ايضاً في رثاء العباس ع )

لگد عباس او صرخ بجموعها اولف رواياها وشق ادروعها  
لف رواياها او ترفرف راينه وارعب اگلوب الابطال ابلگدته  
كفو عوده الليث هذي عادته عاده اتورث الاصول افروعها  
قل كتابيها اوفرش منها الابدان على الارض يدوسها ابجدم الحصان  
شبه ارض الطف ابيوم النهروان غدت ما تلحق نفر من روعها  
رعد بيها او كبردس ابطال العده اوروس بيها امطبره من امهنده

والجثث فوق الوطيه امدده  
 ما تعرف الراس منها امن الجسم  
 كهو شل الليث من شاله العزم  
 من عكب ماسلب من عدها الجبود  
 وافضخوا هامته يويلي بالعمود  
 وگع ويلي اوصاح لعصيده الحسين  
 انكسر ظهره اعليه وناده ابونين  
 غدت بأرض الغاضريه اتلوعها  
 مهشمه بالخييل وايدوس الزلم  
 ادعه الخيول اتعثر بصروعها  
 فروا جوده او قطعوا منه الزنود  
 وگع وعيونه تهل ادموعها  
 لفه احسين او شافه مفضوخ الجبين  
 من يسجن للحراير لرعها

( وله ايضاً في رثاء العباس «ع» )

سكته لعد عمها لفت  
 انتحبت ابوجهه واشتجت  
 تدريبه ما يرضه تذل  
 عنده اشتجت حال الحرم  
 ومن العطش گلي انفطر  
 لمن سمع شبل الفحل  
 صل المذهب وانتفض  
 والجود زمه على المن  
 واعلى المهر حين العاله  
 شد على الجمع خله الفزع  
 ابيفه شرك طوس اودرك  
 لمن وصل للعلكمي  
 بيده غرف ماي اوذكر  
 راغي الحميه ونادته  
 عنده او دمعا هاته  
 سكته او تقبل غيرته  
 او حال الرضيع الوعته  
 والطفل ذابت جبده  
 سكته ابضاها لامته  
 والغضب لاح ابگصته  
 او هلهات سكته الكومته  
 كامت تررف رايتيه  
 سبعين الف ما نخرته  
 وافنه الجموع ابلگدته  
 اوبي نزل يترس جربته  
 سكته ايسد ما ضاگته



ذبه او مله چوده اوظهر او للخيم صارت نيته  
 حاطت عليه ذبيح الحرم او عاگه الكدر عن رده  
 او سهم العده الجوده فرده او كطعوا يمنته او يسرقه  
 وبسهم صابه حرمله او بالعمد طروا هامته

## ( نعي )

للشاعر الكبير المرحوم الشيخ عبد الامير الفتلاوي

اليوم اهل كوفه اشعلمها ونزلت خيل او زلها  
 تهجم على الثابه ابغزمها ونصارنه شدت حزمها  
 اجه ازهير للرايه اولزمها او حبيب استعد والزم لها  
 والحرم طلعت من خيمها تنخه الذي يجلون همها  
 ( وله أيضاً )

الاصحاب للموت استعدوا على الخيل من شدو اشتدو  
 تناخو على الجيمان هدو جزو كل مواجها او تعدو  
 ينقوسهم احسين فخدو راحو ولا منهم الردو  
 ( تم كتاب النصاريات )

\* الكتاب: النصاريات الكبرى

\* المؤلف: للشاعر الحسيني المعروف المرحوم الشيخ محمد نصار العراقي

\* الناشر: منشورات الرضى - قم المقدسه

\* عدد الصفحات: ٤٨ : جاب امير

\* القطع: وزيري : تيراز ... م

\* الطبعة: الثانية

قيت بم ريال

\* السنة: ١٣٦٨





مَشُورَاتُ الرُّضَايَا قِيم

---


منشورات المكتبة الحيدرية ومطبعها في النجف ت (٣٦٨)

١٣٨٥ هـ - ١٩٦٥ م











(NEC)  
BP193

.13  
.A3  
I266  
1987

Princeton University Library



32101 088444870

AL-NASSARIYAT AL-KUBRA:  
FI RITHA' AL-IMAN  
AL-SHAHID AL-HUSAYN...

\*\*\*

IBN NASSAR